

**“Kapitalbank” ATBda yuridik shaxslar va yakka  
tartibdagi tadbirkorlarga kompleks bank xizmati  
ko‘rsatish to‘g‘risida kelishuvning  
16-ILOVASI**

**NKM POS-terminalini (onlayn nazorat-kassa mashinasi) sotib olish huquqi bilan ijara  
olish va unga xizmat ko‘rsatish  
TARTIBI**

**I. QO‘SHIMCHA ATAMA VA TA‘RIFLAR:**

**1.1.** Ushbu Tartibda qo‘yidagi atama va ta‘riflardan foydalaniladi:

**Karta** – Karta saqlovchisiga Karta hisobvarag‘i bo‘yicha bir necha marotaba transaksiya o‘tkazish imkoniyatini ta‘minlaydigan, Bank yoki boshqa tijorat banklari tomonidan chiqarilgan mikroprotessorli plastik tizim. Kartaning holati haqidagi joriy ma‘lumot PMda aks etadi;

**Karta hisobvarag‘i** - undagi pul mablag‘laridan Karta vositasida foydalanish mumkin bo‘lgan kartaning bank hisobvarag‘i;

**Karta Saqlovchisi** - kartaning egasi yoki kartaning egasi vakolat bergan, emitenet bilan tuzilgan shartnomaga asosan Kartadan foydalanuvchi va Kartani sotib olingan tovarlar, ko‘rsatilgan xizmatlar va ishlar uchun to‘lov vositasi sifatida taqdim qiluvchi shaxs;

**YAUPM** – transaksiyalarning avtorizatsiyasi, qayta ishlanishi va kliringini, “UZCARD” BTT doirasida banklar o‘rtasida o‘zaro axborot aloqasini va ularga bank kartalari bo‘yicha amalga oshirilgan banklararo transaksiyalarni tasdiqlash uchun ushbu transaksiyalar haqida ma‘lumotning yuborilishini ta‘minlovchi yagona umumrespublika protsessing markazi;

**Tartib** - NKM terminalini sotib olish huquqi bilan ijara olish va unga xizmat ko‘rsatish to‘g‘risidagi ushbu tartib. Mazkur Tartib Bankning rasmiy saytida joylashtirilgan;

**“UZCARD” BTT (Banklararo to‘lov tizimi)** – huquqiy normalarning, normativ hujjatlarning, dasturiy-texnik qarorlarning va naqd pulsiz hisob-kitoblarni elektron shaklda amalga oshirishga mo‘ljallangan hamda kartani emissiya qiluvchi, tovar/ishlar/xizmatlari sotuvchilariga xizmat ko‘rsatuvchi, hisob-kitob qiluvchi banklarni va YAUPMni birlashtiruvchi tegishli tashkiliy-texnik infratuzilmaning yig‘indisiga asoslangan hududiy taqsimlangan to‘lov tizimi;

**Bank qurilmasi** – alohida turadigan bank terminali sifatida ham, karta Saqlovchisiga xizmat ko‘rsatish uchun onlayn kassa sifatida ham foydalanish mumkin bo‘lgan, Mijozga sotib olish huquqi bilan ijara berish shartlari asosida topshiriladigan terminal (PAX A930). Bank qurilmasiga NKM POS-terminal (quvvat adapteri va quvvat kabeli bilan), PINni kiritish uchun mijoz klaviaturasi kiradi. Bank ushbu orqali Qurilma Bankka tegishli ekanligini ma‘lum qiladi;

**NKM POS terminal** – Mijozning tovarlari/ishlari/xizmatlari uchun karta orqali to‘lovlarni qabul qilishga va amalga oshirilgan transaksiyalar bo‘yicha real vaqt rejimida YAUPMdan Sliplarni (cheklarni) shakllantirishga mo‘ljallangan, shuningdek, real vaqt rejimida tegishli ma‘lumotlarni O‘zbekiston Respublikasi Davlat soliq qo‘mitasiga yuborish uchun fiskal ma‘lumotlar operatorining fiskal modulining ishlashini qo‘llab-quvvatlovchi kassa dasturiy ta‘minotining yechimlarini o‘rnatish imkoniyati mavjud elektron qurilma;

**Slip** – tranzaksiyaning karta orqali amalga oshirilganligini tasdiqlovchi hamda tranzaksiya summasi, tranzaksiya turi, tranzaksiya amalga oshgan sana haqidagi ma‘lumotni, shuningdek, kartani va ushbu Slipni shakllantirgan POS-terminalni identifikatsiya qilishga imkon beradigan ma‘lumotni o‘z ichiga olgan POS-terminal kvitansiyasi. Har bir amalga oshirilgan Tranzaksiyaga 2 nusxada Slip beriladi. Bir nusxasi karta Saqlovchisiga beriladi, ikkinchisi Mijozda saqlashini kerak;

**Tranzaksiya** – tovarlar/ishlar/xizmatlar haqini to‘lash uchun NKM POS-terminal orqali karta bilan amalga oshiriladigan to‘lov. Tranzaksiya karta Saqlovchisi tomonidan PIN-kod yordamida tasdiqlanadi;

**PIN-kod** – Karta hisobvarag‘ida hisobda turgan pul mablag‘larini tasarruf qilish huquqini tasdiqlovchi, shuningdek, Kartada/ karta hisobvarag‘ida saqlanadigan ma‘lumotlarga uchinchi shaxslarning kirishini cheklovchi Kartaning shaxsiy indentifikatsion raqami. PIN-kod maxfiy ma‘lumot hisoblanadi va sir saqlanishi lozim. PIN-kodni saqlash bo‘yicha javobgarlik karta Saqlovchisi zimmasida bo‘ladi;

**Natijalarni solishtirish** – onlayn operatsiya, uni bajarish natijasida POS-terminalda mavjud barcha tranzaksiyalar, shuningdek, Reversal operatsiyalar qayta ishlash uchun YAUPMga yuboriladi. “Natijalarni solishtirish” operatsiyasi NKM POS-terminalda o‘tkazilgan barcha Tranzaksiyalarni YAUPM bilan solishtiradi. Ushbu operatsiya yordamida oldingi “Natijalarni solishtirish” operatsiyasigacha POS-terminalda o‘tkazilgan Tranzaksiyalarning miqdorini va summasini ko‘rish mumkin;

**To'lovni qaytarish** – Karta Saqovchisining Karta orqali sotib olgan tovarlar/ishlar/xizmatlardan voz kechishi oqibatida Mijoz tomonidan tasdiqlangan va u tomonidan Bank belgilagan shaklda karta Saqlovchisining karta hisobvarag'iga kirim qilish uchun pul mablag'larini qaytarish. To'lovni qaytarish naqd pul shaklda amalga oshirilishi mumkin emas;

**Reversal** – kommunikatsion xatoliklar (aloqadagi uzilishlar) sodir bo'lganda Kartochka bo'yicha NKM POS terminaldagi tranzaksiyani bekor qilish. Asl tranzaksiya amalga oshirilganda slipda ushbu tranzaksiya xato o'tkazilganligi haqida ma'lumot ko'rsatiladi;

**Bank Yo'riqnomalari** – Mijozning karta Saqlovchilarning kartasi bo'yicha xizmat ko'rsatish, Bank Qurilmasidan foydalanish va Bank bilan ishlash jarayonlari hamda qoidalarini tushuntiruvchi hujjatlar. Bank Yo'riqnomalariga rioya qilish Taraflar uchun majburiy hisoblanadi. Bank Yo'riqnomasi Bankning Saytida joylashtirilgan.

**1.2.** Ushbu Tartibda foydalaniladigan atama va ta'riflar Kelishuvdagi mazmun bilan bir xil mazmunga ega.

## **II. UMUMIY QOIDALAR**

**2.1.** Mazkur Tartib to'ldirilgan Mijoz Anketasiga (1-Ilova) asosan Taraflar uchun majburiy bo'ladi (kuchga kiradi), anketaga asosan Bank Mijozga NKM POS-terminal karta Saqlovchilariga xizmat ko'rsatish bo'yicha xizmatlarni taqdim qiladi va Mijozga Bank qurilmasini qurilmani qabul qilish-topshirish dalolatnomasida ko'rsatilgan miqdorda sotib olish huquqi bilan ijaraga beradi.

**2.2.** Mazkur Tartib, Kelishuv, Tariflar, shuningdek Mijoz tomonidan lozim darajada to'ldirilgan va imzolangan Ariza, birgalikda Mijoz va Bank o'rtasida tuzilgan NKM POS terminalini sotib olish huquqi bilan ijara olish va unga xizmat ko'rsatish to'g'risidagi shartnoma (keyingi o'rinlarda – "Shartnoma") hisoblanadi.

**2.3.** Mijoz tovarlar/ishlar/xizmatlar uchun to'lovlarni naqd pulda va karta Saqlovchilarning Kartasi orqali qabul qiladi, buning uchun Bank Mijozni Tranzaksiyalar bo'yicha o'zaro hisob kitoblarni amalga oshirish uchun zarur bo'lgan Bank Qurilmasi bilan ta'minlaydi.

**2.3.** Mijoz har kuni natijalarni solishtiradi va Sliplarni rasmiylashtiradi.

**2.4.** Bank Qurilmasi yangi (oldin ishlatilmagan) hamda Mijozga Shartnomaning amal qilish davriga beriladi.

**2.5.** Shartnoma bo'yicha barcha hisob-kitoblar O'zbekiston Respublikasining milliy valyutasida (so'm) amalga oshiriladi.

**2.6.** Mijoz tomonidan berilgan Ariza Mijoz Yo'riqnoma bilan tanishganligini va u bilan rozi ekanligini tasdiqlaydi.

## **III. TARAFLARNING MAJBURIYATI**

### **3.1. Bankning majburiyatlari:**

**3.1.1.** Ariza berilgan kundan boshlab 5 (besh) bank kuni ichida Karta saqlovchilariga xizmat ko'rsatishi uchun Bank Qurilmasini topshirish-qabul qilish Dalolatnomasiga asosan (2-Ilova) Mijozga sotib olish sharti bilan ijara berish;

**3.1.2.** Bank Qurilmasini o'rnatayotganda, shuningdek, Bank Qurilmasining ishi bilan oldin tanishtirilgan Mijoz xodimlari (ishchilari) ishdan bo'shaganda Mijozning yozma murojaatiga asosan Mijoz xodimlarini (ishchilarini) undan foydalanish qoidalarini bilan tanishtirish;

**3.1.3.** Bank tomonidan YAUPMdan Kartalar bo'yicha Tranzaksiyalar olingandan so'ng keyingi bank kundan kechiktirmasdan barcha qayta ishlangan Tranzaksiyalar summasini Mijozning ushbu Tartibning 1-Ilovasida ko'rsatilgan hisobvarag'iga ko'chirib berish;

**3.1.4.** Mijozning yozma arizasi bo'yicha qayta ishlangan Tranzaksiyalar bo'yicha ko'chirma taqdim qilish.

### **3.2. Mijozning majburiyatlari:**

**3.2.1.** Bank Qurilmasini qabul qilish, NKM POS-terminalni o'rnatish uchun joy taqdim qilish va topshirilgan Bank Qurilmasining saqlanishi va butligi uchun javobgar bo'lish;

**3.2.2.** Shartnomaning butun amal qilish davrida Bank Qurilmasini soz holatda saqlash;

**3.2.3.** Bank Qurilmasini va unga bo'lgan huquqlarni Uchinchi shaxslarga bermaslik;

**3.2.4.** Topshirish-qabul qilish Dalolatnomasiga asosan Bank Qurilmasi tekin foydalanishga va egalik qilishga topshirilgan paytdan uning tasodifan nobut bo'lishi yoki shikastlanishi bo'yicha javobgar bo'lish;

**3.2.5.** natijalarni har kuni solishtirish;

**3.2.6.** Bankda Mijozning nomiga ochilgan hisobvaraqa ushbu Tartibning 5.1 yoki 5.2 yoxud 5.3 bandlariga asosan mablag'ni saqlash;

**3.2.7.** hisobvaraqa pul mablag'lari qoldig'i kamaygan paytdan boshlab 2 (ikki) bank kuni ichida oldindan to'lov summasini ushbu Tartibning 5.2 yoki 5.3 bandlarida ko'rsatilgan miqdorgacha to'ldirish;

**3.2.8.** Kartalar Mijoz tomonidan to'lov vositasi sifatida qabul qilinishini ko'rsatish uchungina o'z binosida Bank yetkazib bergan reklama belgilari yoki boshqa materiallarni lozim darajada namoyish qilish va Bank tasdiqlagan nomlar yoki tasvirlardan foydalanish;

**3.2.9.** Shartnoma shartlariga aloqador har qanday reklama materialini Bank bilan kelishish va uning yozma roziligini olish;

**3.2.10.** Sliplarning dublikatini ular shakllantirilgan kundan boshlab 1 (bir) yil mobaynida saqlash, shuningdek, Bankning birinchi talabi bilan ularni talab qilingan kundan boshlab 3 (uch) bank kuni ichida Bankka taqdim qilish;

**3.2.11.** Sliplarni NKM POS-terminal orqali chop etishda Bank tasdiqlagan sarf materiallaridan foydalanish;

**3.2.13.** Karta Saqlovchisiga Slipning nusxasini berish;

**3.2.13.** Ushbu Tartib shartlariga asosan Bankning Mijozdan talab qilish huquqi bo'lgan pul mablag'larini Tegishli xabar olingandan so'ng 1 (bir) bank kuni ichida Bankka qaytarish;

**3.2.14.** Bank Yo'riqnomasidagi barcha ko'rsatmalarni bajarish;

**3.2.15.** Bank Qurilmasi yo'qotilganda (o'g'irlangan va boshq) yoki nobut bo'lganda yoxud buzilganda nizosiz tartibda amaldagi Tariflar bo'yicha jarima summasini to'lash;

**3.2.16.** Amaldagi Bank Tariflariga asosan o'rnatilgan vositachilik haqi va jarimalarni Bankka o'z vaqtida va to'liq hajmda to'lash;

**3.2.17.** Karta Saqlovchilarining Kartalari orqali bir oy mobaynida Tranzaksiyalar amalga oshirishga imkoniyat bermaydigan, Mijozning savdo nuqtasida amalga oshirilishi rejalashtirilayotgan tadbirlar (binoni ta'mirlash, inventarizatsiya, qayta hisob, davlat vakolatli organlari tekshiruvi va h.k) to'g'risida Bankni yozma ravishda ogohlantirish;

**3.2.18.** Shartnoma doirasida foydalaniladigan Bank Tariflaridagi, Yo'riqnomalaridagi va boshqa hujjatlaridagi o'zgarishlar haqida yangilangan ma'lumotlarni olish uchun doimiy ravishda Bankning Saytiga kirib turish;

**3.2.19.** Mijozda Bank tomonidan berilgan NKM POS-terminaldan foydalanib amalga oshirilgan shubhali (gumonli) operatsiyalar aniqlanganda Bankning birinchi talabi bilan o'tkazilgan operatsiyalarning qonuniyligini tasdiqlovchi hujjatlarni taqdim qilish;

**3.2.20.** Mijoz Anketasiga ishonchli ma'lumotlarni kiritish(1-Ilova);

**3.2.21.** Ijara va sotib olish to'lovlarni o'z vaqtida to'lab borish.

**3.3.** Taraflar maxfiylikka rioya qilishlari va ikkinchi tarafning yozma roziligisiz ma'lumotlarni oshkor qilmasliklari shart, O'zbekiston Respublikasining qonunchiligida nazarda tutilgan hollar bundan mustasno.

**3.4.** Taraflar O'zbekiston Respublikasining qonunchiligida va Kelishuvda nazarda tutilgan boshqa majburiyatlarga ham ega bo'lishi mumkin.

## **IV. TARAFLARNING HUQUQI**

### **4.1. Bankning huquqlari:**

#### **4.1.1. Mijoz:**

- ushbu Tartibning 3.2 va 4.3 bandlari shartlarini buzganida, shuningdek, Mijoz bir oy mobaynida karta Saqlovchilariga xizmat ko'rsatmaganida;

- Bank Qurilmasidan Shartnomaga asosan yoki Bank Qurilmasining maqsadi bo'yicha foydalanmaganida;

- Bank Qurilmasini soz holatda yoki uni saqlash bo'yicha majburiyatlarni bajarmaganida;

- Bank Qurilmasining holatini sezilarli darajada yomonlashtirganida;

- Bankning NKM POS terminalidan jinoiy faoliyatdan olingan daromadlarni legallashtirish va terrorizmni moliyalashtarish maqsadlarida foydalanilganligi haqida Bank tomonidan asosli shubhalar aniqlangan kunda;

- hisobvaraqa mavjud pul mablag'lariga band solinganida yoki O'zbekiston Respublikasining qonunchiligida ko'rsatilgan hollarda hisobvaraqa bo'yicha operatsiyalar to'xtatib turilganda;

- Bank Qurilmasiga zarar yetkazganida;

- Kelishuv va ushbu Tartibda ko'rsatilgan boshqa hollarda Shartnomani bir tomonlama bekor qilish (uni bajarishdan to'liq voz kechish);

**4.1.2.** Bank tomonidan NKM POS-terminal orqali shubhali (gumonli) operatsiyalar o'tkazilganligi aniqlanganida o'tkazilgan operatsiyalarning qonuniyligi haqida Mijozdan yozma tushuntirish olingunga qadar NKM POS-terminalni Bankka qaytarish orqali Shartnomaning amal qilishini vaqtincha to'xtatib turish;

**4.1.3.** Quyidagi hollarda Mijozning Tranzaksiyalar bo'yicha pul mablag'larini ko'chirib berishni bir tomonlama to'xtatib turish:

- Bank qurilmasidan foydalanish qoidalarini buzish oqibatida Tranzaksiyalar haqida ma'lumotlar noto'g'ri shakllantirilgan bo'lsa;

- Karta Saqlovchisi Tranzaksiyalarga nisbatan da'vo kiritgan bo'lib, ushbu da'vo O'zbekiston Respublikasi sud hokimiyatining vakolatli organlari tomonidan qanoatlantirilgan bo'lsa;

- Mijozni qayta tashkil etish va tugatish jarayoni mavjud bo'lsa. Bunday holatda Tranzaksiyalar bo'yicha pul mablag'larini ko'chirib berish tugatish komissiyasining yoki boshqa vakolatli organning tegishli qarorigacha to'xtatib turiladi;

- Mijoz tomonidan ushbu Tartibning 3.2.6 va 3.2.8-bandlariga asosan unga yuklatilgan majburiyatlar bajarilmayotgan bo'lsa;

**4.1.4.** Bank qurilmasidan foydalanish qoidalarini buzish natijasida Tranzaksiya qayta ishlashga noto'g'ri yuborilgan hollarda tranzaksiya bo'yicha pul mablag'larini ko'chirib bermaslik va Tranzaksiyani qayta ishlash bo'yicha xarajatlarni Mijozning zimmasiga yuklash;

**4.1.5.** Tranzaksiya o'tkazilganidan 30 kalendar kun yoki undan ortiq vaqt o'tgan bo'lsa, va/yoki ushbu Tartibning 3.2.10 bandidagi shartlar buzilgan bo'lsa, Mijozning so'rovi bo'yicha tranzaksiyalarni tiklashga qaratilgan harakatlarni amalga oshirmaslik;

**4.1.6.** Oldin kirim qilingan Tranzaksiya bo'yicha shakallantirilgan Reversal summasiga teng miqdordagi mablag'larni qayta ishlashga yuborilgan Tranzaksiyalardan yoki talab qilib olinguncha asosiy/ikkilamchi hisobvaraقدan, shuningdek, ijara va sotib olish to'lovlari summasidan akseptsiz tartibda yechib olish;

**4.1.7.** Bank Yo'riqnomalarini bir tomonlama o'zgartirish;

**4.1.8.** Mijozdan Bank Tariflariga asosan vositachalik haqi undirish;

**4.1.9.** Quyidagi hollarda Mijozdan Bank Tariflariga asosan jarima undirish:

- Mijoz tomonidan Bank Qurilmasi yo'qotilganda (o'g'irlanganda va h.k);

- topshirilgan Bank Qurilmasini ta'mirga yaroqsiz holga keladigan darajada nobut qilinganda va buzilganida.

Qurilmaning ta'mirga yaroqsiz holati ta'mir xizmati yoki davlat reyestriga kiritilgan onlayn NKM POS-terminaliga texnik xizmat ko'rsatish Markazi tomonidan o'tkazadigan ekspertiza natijalari bo'yicha aniqlanadi hamda ushbu xizmatlar tomonidan beriladigan xulosada ko'rsatiladi. Ekspertizani o'tkazish bo'yicha xarajatlar Mijozning zimmasida bo'ladi. Qurilmaning buzilganligi holati qurilmaning buzilganligi haqidagi Dalolatnoma (Tartibning 3-Ilovasi) bilan tasdiqlanadi. Yo'qolganlik holati yo'qolganlik Dalolatnomasiga (Tartibning 4-Ilovasi) asosan tasdiqlanadi;

**4.1.10.** Mijozning karta Saqlovchilarga xizmat ko'rsatayotganligi bo'yicha amaldagi faoliyati va faolligi ustidan O'zbekiston Respublikasining amaldagi qonunchiligida nazarda tutilgan tartibda shubhali (gumonli) operatsiyalarni oldini olish va aniqlash uchun Mijoz joylashgan joy bo'yicha (pochta, yuridik manzili) monitoring olib borish.

#### **4.2. Mijozning huquqlari:**

**4.2.1.** Amalga oshirilgan Tranzaksiyalar haqida ko'chirmani Bankdan yozma shaklda so'rash;

**4.2.2.** Bankdan Bank Qurilmasidan foydalanish qoidalari bo'yicha xodimlarini (ishchilarini) qo'shimcha o'qitishni yozma ravishda so'rash;

**4.2.3.** Joriy operatsion kundagi inkassatsiya summolari yoki o'tkazilgan tranzaksiya summolari Mijozning talab qilib olinguncha hisobvarag'ida aks etgan summalar bilan mos kelmaganda, Tranzaksiya o'tkazilganidan keyin 30 kun ichida summalaridagi ushbu noaniqliklarni bartaraf etish haqidagi so'rov bilan Bankka yozma ravishda murojaat qilish;

**4.2.4.** Bank Qurilmasi Mijoz javob bermaydigan holatlarda foydalanish uchun yaroqsiz qolsa, Shartnomani muddatidan oldin bekor qilishni talab qilish;

**4.2.5.** Ijaraning butun muddati davomida Mijoz Shartnomaning barcha shartlariga lozim darajada rioya qilgan va ularni bajargan bo'lsa, shuningdek, Bankka va Mijozning shartnoma bo'yicha to'lamagan summalariga nisbatan biror-bir majburiyatlari mavjud bo'lmaganda Shartnoma bo'yicha sotib olish qiymatini muddatidan oldin to'liq yoki qisman to'lab berish.

#### **4.3. Mijoz quyidagi huquqlarga ega emas:**

**4.3.1.** To'lov qaytarilganida naqd pul mablag'lari berish. To'lov qaytarilganida Mijoz pul mablag'larini karta Saqlovchisining karta hisobvarag'iga ko'chirib beradi;

**4.3.2.** Tovarlar (ishlar, xizmatlar) uchun Stop list ro'yxatida bo'lgan Kartalardan to'lovlarni qabul qilish;

**4.3.3.** O'zbekiston Respublikasining amaldagi qonunchiligiga asosan nazorat funksiyalariga ega shaxslardan tashqari, boshqa Uchinchi shaxslarga Bank Qurilmasini, sarf materiallarini va Tranzaksiyalar hamda ularni amalga oshirish usullari haqidagi ma'lumotlar berish;

**4.3.4.** Oldin qayta ishlashga yuborilgan Tranzaksiyalarni har qanday shaklda takroran qayta ishlashga yuborish.

**4.4.** Taraflar O'zbekiston Respublikasining qonunchiligida va Kelishuvda nazarda tutilgan boshqa huquqlarga ham ega bo'lishlari mumkin.

## **V. XIZMATLAR UCHUN TO'LOV MIQDORI VA ULARNI TO'LASH TARTIBI**

**5.1.** Bankda ochilgan milliy valyutada talab qilib olinguncha hisobvaraقد mavjud bo'lganda, Bank tomonidan Mijozdan ijara haqi va sotib olish qiymatini ushlab qolish har kalendar oyning 1 sanasida memorial order bilan

akseptsiz tartibda amalga oshiriladi. Bankning vositachilik haqi qurilmani topshirish-qabul qilish Dalolatnomasi sanasidan qati nazar kalendar oy uchun to'liq hajmda undiriladi.

**5.2.** Mijoz Bankda milliy valyutada talab qilib olinguncha ikkilamchi hisobvarqqa ega bo'lsa, Mijoz ijara haqi va sotib olish qiymatini Shartnoma tuzilgan paytdan boshlab 1 (bir) bank kuni kuni mobaynida Bankda ochiladigan 22896xxx hisobvarag'iga pul ko'chirish orqali oldindan to'lov qiladi. Oldindan to'lovning miqdori **300 000 (uch yuz ming)** so'mni tashkil qiladi. Ijara haqi va sotib olish qiymati Bank tomonidan oldindan to'lov summasidan har kalendar oyning 1 sanasida akseptsiz tartibda ushlab qolinadi.

**5.3.** Mijozning hisobvarag'ida ijara haqi va sotib olish qiymatini qoplash uchun pul mablag'lari mavjud bo'lmaganida yoki yetarli bo'lmaganida, qarzdorlikning qoplanmagan qismi tegishli tartibda ijro qilinadigan to'lov talabnomasi qo'yish orqali Kartoteka-2 ga joylashtiriladi. Ushbu to'lov talabnomasi biror-bir ko'shimcha tasdiqlarsiz Mijoz tomonidan akseptlangan hisoblanadi.

**5.4.** Oyning 1 sanasi dam olish yoki ishlanmaydigan (bayram) kuniga to'g'ri kelsa, ijara haqi va sotib olish qiymatini ushlab qolish undan keyin keladigan bank kunida amalga oshiriladi;

**5.5.** Terminal 1 sanadan keyin o'rnatilganda, Bank Mijozdan ijara haqi va sotib olish qiymatining to'liq summasini Bank Tariflariga asosan qurilmani topshirish-qabul qilish Dalolatnomasi imzolangan sanada akseptsiz tartibda ushlab qoladi.

**5.6.** Shartnoma to'xtatilganda yoki bekor qilinganida Bank Mijozdan ijara haqi va sotib olish qiymatining to'liq summasini Shartnomaning to'xtatilgan yoki bekor qilingan sanasidan qat'i nazar, Bank Tariflariga asosan Shartnoma to'xtatilgan yoki bekor qilingan sanada akseptsiz tartibda ushlab qoladi.

## **VI. IJARA TO'LOVI VA SOTIB OLISH QIYMATI MIQDORI**

**6.1.** Ijara to'lovi miqdori Bank Tariflariga asosan bir oyda **25 000 (yigirma besh ming)** so'mni tashkil qiladi.

**6.2.** Bank Qurilmasining sotib olish qiymati **3 300 000,00 (uch million uch yuz ming)** so'm qilib belgilanadi, Mijoz tomonidan teng miqdorda har oyda **275 000,00 (ikki yuz yetmish besh ming)** so'mdan to'lab boriladi.

**6.3.** Bankda ochilgan milliy valyutada talab qilib olinguncha hisobvaraq mavjud bo'lganda, Bank tomonidan Mijozdan ijara haqi va sotib olish qiymatini ushlab qolish har kalendar oyning 1 sanasida memorial order bilan akseptsiz tartibda amalga oshiriladi.

**6.4.** Mijoz Bankda milliy valyutada talab qilib olinguncha ikkilamchi hisobvarqqa ega bo'lsa, Mijoz ijara haqi va sotib olish qiymatini Shartnoma tuzilgan paytdan boshlab 1 (bir) bank kuni kuni mobaynida Bankda ochiladigan 22896xxx hisobvarag'iga pul ko'chirish orqali oldindan to'lov qiladi. Oldindan to'lovning miqdori **300 000 (uch yuz ming)** so'mni tashkil qiladi. Ijara haqi va sotib olish qiymati Bank tomonidan oldindan to'lov summasidan har kalendar oyning 1 sanasida akseptsiz tartibda ushlab qolinadi.

**6.5.** Mijoz tomonidan muayyan davr uchun **to'lash muddati kelgunga qadar va/yoki to'lanishi lozim bo'lgan summadan ortiq miqdorda** o'tkazib berilgan (to'langan) barcha ijara haqi va sotib olish qiymati ijara bo'yicha navbatdagi to'lov muddati kelgunga qadar kelgusi to'lovlar bo'yicha avans sifatida hisobga olinadi.

## **VII. TARAFLARNING JAVOBGARLIGI**

**7.1.** Taraflar Shartnoma bo'yicha o'z majburiyatini bajarmaganligi yoki lozim darajada bajarmaganligi uchun O'zbekiston Respublikasining amaldagi qonunchiligi, Kelishuv va ushbu Tartibga asosan javobgar bo'ladi.

**7.2.** Mazkur Tartibning predmetiga bog'liq holda Taraflardan biriga moddiy yoki moliyaviy zarar yetkazilganda aybdor tomon ushbu zararni qoplab beradi.

**7.3. Bank quyidagilar uchun javobgar bo'lmaydi:**

**7.3.1.** quyidagi pul mablag'larini qoplab berish bo'yicha:

- Shartnoma shartlariga mos kelmaydigan yoki zid bo'lgan tranzaksiyalar bo'yicha;

- Ushbu Tartibning 4.1.4-4.1.5 banlarida ko'rsatilgan sabablar bo'yicha;

**7.3.2.** YAUPM qurilmasidagi nosozliklar oqibatida kelib chiqqan Mijozning karta Saqlovchilarga xizmat ko'rsata olmaganligi uchun;

**7.3.3.** NKM POS-terminal dasturiy ta'minotidagi nosozliklar uchun.

**7.4. Mijoz quyidagilar uchun javobgar bo'ladi:**

**7.4.1.** Sliplarning saqlanishi va Bankka o'z vaqtida taqdim qilinishi uchun;

**7.4.2.** Shartnoma shartlarini buzish oqibatida Mijoz tomonidan Bankka yetkazilgan zarar uchun;

**7.4.3.** Bank Qurilmasining butligi va ishlashi uchun.

**7.5.** Taraflardan biri Shartnoma shartlarini bajarishda Amaldagi qonunchilikni buzganda, ikkinchi Taraf buning uchun javobgar bo'lmaydi.

**7.6.** Mijoz unga foydalanish uchun topshirilgan Bank Qurilmasining butligi uchun mulkiy javobgar hisoblanadi.

**7.7.** Mijoz ijara haqi va sotib olish qiymatini to'lashni kechiktirganlik uchun Bankka har bir kechiktirilgan kun uchun kechiktirilgan ijara haqining 0,5 % miqdorida penya to'laydi.

## **VIII. YAKUNIY QOIDALAR**

**8.1.** Shartnoma Mijoz tomonidan Ariza berilgan paytdan boshlab kuchga kiradi va 1 (bir) yil muddatga amal qiladi. Shartnomaning muddati tugaganidan keyin hamda Mijoz o'z majburiyatlarini lozim darajada bajarganida, Bank 1 (bir) bank kuni ichida Bank qurilmasini topshirish-qabul qilish dalolatnomasi bilan Mijozning egaligiga topshiradi.

**8.1.1.** Shartnoma muddatidan oldin bekor qilinganda, Mijoz qurilmaning topshirish-qabul qilish dalolatnomasiga asosan Qurilmani Bankka butun, buzilmagan va to'liq holda qaytarib berishi shart. Qurilmaning topshirilganlik fakti qurilmaning topshirish-qabul qilish dalolatnomasi bilan rasmiylashtiriladi va tasdiqlanadi. Qurilmaning topshirish-qabul qilish dalolatnomasi shakli mazkur Tartibning 5-Ilovasida.

**8.2.** Shartnoma quyidagi hollarda bekor qilinishi yoki to'xtatilishi mumkin:

- Bank tomonidan o'ziga nisbatan biror-bir jarima sanksiyalarisiz va Mijozga zararni qoplamasdan Kelishuv va ushbu Tartibda nazarda tutilgan hollarda bir tomonlama;

- Taraflardan birining tashabbusiga ko'ra ikkinchi Tarafni shartnomani bekor qilish yoki to'xtatishning ning taxminiy sanasidan 10 (o'n) bank kuni oldin ogohlantirish sharti bilan, bunda Mijoz unga topshirilgan Qurilmani ishlaydigan, butun va zarar yetkazilmagan holatda qurilmaning topshirish-qabul qilib olish Dalolatnomasiga asosan Bankka qaytarib berishi, qurilma ta'mirga yaroqsiz darajada nobut qilinganda, yo'qotilganida yoki buzilganida Bankka Bank Tariflariga asosan jarima to'lash;

- Kelishuvda nazarda tutilgan boshqa hollarda.

**8.2.1.** Shartnoma Bank tomonidan bir tomonlama bekor qilingan taqdirda Shartnoma bekor qilingan paytgacha to'langan Bank Qurilmasining sotib olish qiymati Taraflar tomonidan jarima sifatida tan olinib, Mijozga qaytarilmaydi. Bu haqida Mijozga xabar berilgan va u bunga rozi.

**8.2.2.** Shartnoma Mijoz tomonidan bir tomonlama bekor qilingan taqdirda Bank Qurilmasining sotib olish qiymati Shartnoma bekor qilingan paytgacha amalda ko'rsatilgan xizmatlar narxini va Bank tomonidan Shartnomani bajarish bilan bog'liq xarajatlarni ayirgan holda Mijozga qaytriladi. Pulni qaytarish ushbu Tartibning 8.4-bandida nazarda tutilgan tartibda amalga oshiriladi.

**8.3.** Mijozning Shartnoma bo'yicha Bank oldida qarzdorlikni to'lash bo'yicha majburiyati bo'lsa, u Bank oldidagi barcha majburiyatlarini bajaradi.

**8.4.** Shartnoma bekor qilinganida yoki to'xtatilganida, Bankda Mijozga xizmat ko'rsatilayotgan bo'lsa va hisobvaraqda foydalanilmagan oldindan to'lov qolib ketayotgan bo'lsa, Taraflar o'rtasida solishtirma Dalolatnoma tuziladi, ushbu solishtirma daloltnomaga asosan Bank pul mablag'lari qoldig'ini Mijozning talab qilib olinguncha depozit hisobvarag'iga ko'chirib beradi.

**8.5.** Shartnoma bekor qilinganida (bekor qilish sababidan qat'i nazar) yoki to'xtatilganida vositachilik va ijara haqi Mijozga qaytarilmaydi.

**8.6.** Shartnoma bilan bog'liq nizolar taraflar tomonidan muzokara yo'li bilan o'zaro hal qilinadi. Nizolarni muzokara qo'li bilan hal qilishning imkoniyati bo'lmagan hollarda, nizolar Kelishuvda belgilangan tartibda hal etiladi.

**8.7.** Ushbu Tartibda nazarda tutilmagan Bank va Mijoz o'rtasidagi munosabatlar O'zbekiston Respublikasining amaldagi qonunchiligi va Kelishuv bilan tartibga solinadi.

**NKM POS-terminalini sotib olish huquqi bilan  
ijara olish va unga xizmat ko'rsatish Tartibiga  
1-Ilova**

**MIJOZ ANKETASI**

Savdo nuqtasining nomlanishi \_\_\_\_\_

Savdo nuqtasi manzili: \_\_\_\_\_

Mo'ljal: \_\_\_\_\_

Rahbarning F.I.Sh. \_\_\_\_\_

Rahbarning aloqa telefonlari \_\_\_\_\_

Buxgalterning F.I.Sh. \_\_\_\_\_

Buxgalterning aloqa telefonlari \_\_\_\_\_

Kartalar bo'yicha olingan  
tushum kirim qilinadigan bank  
hisobvarag'i rekvizitlari

Faoliyat sohasi (Pullik  
xizmat/savdo korxonasi): \_\_\_\_\_

Mijoz tovarlar/ishlar/xizmatlarini realizatsiya qilish bo'yicha bir nechta shaxobchalarga ega bo'lsa va qurilmani o'rnatish joylari shahar/tumanning har xil qismida joylashgan bo'lsa, savdo nuqtalari haqida aloqa ma'lumotlarini ko'rsatishingizni iltimos qilamiz:

<i>Savdo nuqtasining nomlanishi</i>	<i>Aloqa ma'lumotlari</i>
_____	Manzil: Mo'ljal: Aloqa telefonlari: Aloqa qiluvchi shaxsning F.I.Sh.:
_____	Manzil: Mo'ljal: Aloqa telefonlari: Aloqa qiluvchi shaxsning F.I.Sh.:
_____	Manzil: Mo'ljal: Aloqa telefonlari: Aloqa qiluvchi shaxsning F.I.Sh.:
_____	Manzil: Mo'ljal: Aloqa telefonlari: Aloqa qiluvchi shaxsning F.I.Sh.:

Mijoz \_\_\_\_\_ Yuqorida ko'rsatilgan ma'lumotlarning haqiqiylikini tasdiqlayman va yuqorida ko'rsatilgan xodimlarni karta Saqlovchilarga xizmat ko'rsatish bo'yicha ma'sul etib tayinlayman.

(Imzo)  
M.O'.

“Kapitalbank” ATB tomonidan \_\_\_\_\_ Mijoz xodimi bilan instruktaj o'tkazdi.





**NKM POS-terminalini sotib olish huquqi bilan  
ijara olish va unga xizmat ko'rsatish Tartibiga  
2-Ilova**

**QURILMANING TOPSHIRISH-QABUL QILISH DALOLATNOMASI**

Toshkent sh

“ \_\_\_\_\_ ”yil “ \_\_\_\_ ” “ \_\_\_\_\_ ”

Boshqaruvchi:

Plastik kartalar bo'limi boshlig'i:

dan iborat “Kapitalbank” ATB Vakillari

va Mijoz vakili:

SXX Rahbar:

tuzdilar ushbu Dalolatnomani shu haqidakim, quyidagi qurilma “Kapitalbank” ATB Vakillari tomonidan **TOPSHIRILDI**, Mijoz Vakili tomonidan esa **QABUL QILIB OLINDI**:

<b>№</b>	<b>Qurilmaning nomi</b>	<b>Miqdori</b>	<b>Seriya raqami</b>	<b>Inventar raqami</b>
<b>1</b>	NKM Pos-terminal _____ (model) (quvvat adapteri va quvvat kabeli bilan birga)			
	<b>Jami</b>			

Qurilma topshirilayotgan vaqtda soz holatda, unga nisbatan uchinchi shaxslarning biror-bir talabi va e'tirozi mavjud emas, nizoli va ta'qiq ostida emas.

Aniqlangan kamchiliklarning kelib chiqish xususiyati va sabablari haqidagi vakillarning xulosasi: **kamchiliklar aniqlanmadi.**

Taraflar haqiqatga to'g'ri kelmaydigan ma'lumotlarni o'z ichiga olgan dalolatnomani imzolaganlik uchun javobgarlik haqida ogohlantirilganlar.

**Bank tomonidan topshirildi:**

**Mijoz tomonidan qabul qilib olindi:**

**Boshqaruvchi**

M.O'.

\_\_\_\_\_  
**F.I.Sh.**

**Plastik kartalar bo'lim boshlig'i**

\_\_\_\_\_  
Imzo

M.O'.

**NKM POS-terminalini sotib olish huquqi bilan  
ijara olish va unga xizmat ko'rsatish Tartibiga  
3-Ilova**

**QURILMANING BUZILGANLIGI HAQIDAGI  
DALOLATNOMA**

\_\_\_\_\_ sh

20\_\_y

“\_\_\_”

Biz quyida imzo chekuvchilar “Kapitalbank” ATB \_\_\_\_\_ Filiali Boshqaruvchisi  
\_\_\_\_\_ bir tomondan va keyingi o'rinlarda  
\_\_\_\_\_ nomidan \_\_\_\_\_ asosida harakat  
qiluvchi Mijoz Rahbari ikkinchi tomondan, ushbu Dalolatnomani quyidagilar haqida tuzdilar:

Terminal modeli: \_\_\_\_\_

Seriya raqami: \_\_\_\_\_

Tashqi holati: \_\_\_\_\_

\_\_\_\_\_  
\_\_\_\_\_  
\_\_\_\_\_  
\_\_\_\_\_

(tashqi shikastlanishlar ko'rsatilsin)

Nosozlikning xususiyati: \_\_\_\_\_

\_\_\_\_\_  
\_\_\_\_\_

(nosozlik qanday ifodalanganligi ko'rsatilsin)

Ishlashga yaroqsizlik sabablari: \_\_\_\_\_

\_\_\_\_\_  
\_\_\_\_\_

(buzilishning sababi va buning oqibatida Shartnomaning qaysi bandlari buzilganligi ko'rsatilsin)

**DALOLATNOMA ikkita bir xil nusxada tuzilgan**

**TARAFLARNING IMZOSI:**

**Bank tomondan:**

\_\_\_\_\_

\_\_\_\_\_

(F.I.Sh., lavozimi)

\_\_\_\_\_

(imzo, sana)

**Mijoz tomondan:**

\_\_\_\_\_

\_\_\_\_\_

(Rahbarning F.I.Sh.)

\_\_\_\_\_

(imzo, sana)

M.O'.

**NKM POS-terminalini sotib olish huquqi bilan  
ijara olish va unga xizmat ko'rsatish Tartibiga  
4-Ilova**

**YO'QOLGANLIK DALOLATNOMASI**

\_\_\_\_\_ sh 20\_\_y "\_\_\_\_" \_\_\_\_\_

Biz quyida imzo chekuvchilar "Kapitalbank" ATB \_\_\_\_\_ Filiali Boshqaruvchisi  
\_\_\_\_\_ bir tomondan va keyingi o'rinlarda  
\_\_\_\_\_ nomidan \_\_\_\_\_ asosida harakat  
qiluvchi Mijoz Rahbari ikkinchi tomondan, Bank tomondan Mijozga Karta saqlovchilariga xizmat ko'rsatish uchun  
topshirilgan qurilmaning yo'qolganlik fakti to'g'risidagi ushbu Dalolatnomani quyidagilar haqida tuzdilar:

Terminal modeli: \_\_\_\_\_

Seriya raqami: \_\_\_\_\_

Yo'qolish sabablari: \_\_\_\_\_

\_\_\_\_\_  
\_\_\_\_\_  
\_\_\_\_\_

(yo'qolishning sabablari va buning oqibatida Shartnomaning qaysi bandlari buzilganligi ko'rsatilsin)

**DALOLATNOMA ikkita bir xil nusxada tuzilgan**

**TARAFLARNING IMZOSI:**

**Bank tomonidan:**

\_\_\_\_\_  
\_\_\_\_\_

(F.I.O., lavozimi)

\_\_\_\_\_

(imzo, sana)

**SXK tomonidan:**

\_\_\_\_\_  
\_\_\_\_\_

(Rahbarning F.I.Sh.)

\_\_\_\_\_

(imzo, sana)

M.O'.

**NKM POS-terminalini sotib olish huquqi bilan  
ijara olish va unga xizmat ko'rsatish Tartibiga  
5-Ilova**

**QURILMANI TOPSHIRISH-QABUL QILISH DALOLATNOMASI**

\_\_\_\_\_ sh. 20\_\_y "\_\_\_\_" \_\_\_\_\_.

Ushbu dalolatnoma tuzildi, shu haqidakim, quyidagi qurilma:

<b>№</b>	<b>Qurilma nomi</b>	<b>Miqdori</b>	<b>Seriya (inventar) raqami</b>
<b>1</b>	Pos-terminal _____ (model) (quvvat adapteri va quvvat kabeli bilan birga)		
	<b>Jami</b>		

“Kapitalbank” ATB \_\_\_\_\_ filiali Boshqaruvchisi \_\_\_\_\_ va Plastik kartalar bo'limi boshlig'i \_\_\_\_\_ dan iborat tarkibdagi “Kapitalbank” ATB vakillari tomonidan qabul qilib olindi, \_\_\_\_\_ tomonidan esa topshirildi.

Qurilma topshirilgan paytda \_\_\_\_\_ da joylashgan.

Aniqlangan kamchiliklarning kelib chiqish xususiyati va sabablari haqidagi vakillarning xulosasi:

Taraflar haqiqatga to'g'ri kelmaydigan ma'lumotlarni o'z ichiga olgan dalolatnomani imzolaganlik uchun javobgarlik haqida ogohlantirilganlar.

**Bank tomonidan qabul qilindi:**

**Mijoz tomonidan topshirildi:**

Boshqaruvchi \_\_\_\_\_

\_\_\_\_\_  
Rahbarning F.I.Sh.

M.O'.

PK bo'limi  
boshlig'i \_\_\_\_\_

\_\_\_\_\_  
Imzo

M.O'.

**QURILMANI TOPSHIRISH-QABUL QILISH DALOLATNOMASI**

\_\_\_\_\_ sh. 20\_\_y "\_\_\_\_" \_\_\_\_\_.

Ushbu dalolatnoma tuzildi, shu haqidakim, quyidagi qurilma:

<b>№</b>	<b>Qurilma nomi</b>	<b>Miqdori</b>	<b>Seriya (inventar) raqami</b>
<b>1</b>	Pos-terminal _____ (model) (quvvat adapteri va quvvat kabeli bilan birga)		
	<b>Jami</b>		

“Kapitalbank” ATB \_\_\_\_\_ filiali Boshqaruvchisi \_\_\_\_\_ va Plastik kartalar bo'limi boshlig'i \_\_\_\_\_ dan iborat tarkibdagi “Kapitalbank” ATB vakillari tomonidan qabul qilib olindi, \_\_\_\_\_ tomonidan esa topshirildi.

Qurilma topshirilgan paytda \_\_\_\_\_ da joylashgan.

Aniqlangan kamchiliklarning kelib chiqish xususiyati va sabablari haqidagi vakillarning xulosasi:

Taraflar haqiqatga to'g'ri kelmaydigan ma'lumotlarni o'z ichiga olgan dalolatnomani imzolaganlik uchun javobgarlik haqida ogohlantirilganlar.

**Bank tomonidan qabul qilindi:**

**Mijoz tomonidan topshirildi:**

Boshqaruvchi \_\_\_\_\_

\_\_\_\_\_  
Rahbarning F.I.Sh.

M.O'.

PK bo'limi  
boshlig'i \_\_\_\_\_

---

---

Imzo

M.O'.